

文淵閣

影印

四庫全書

影印

文淵閣四庫全書

第二四五冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

史記集解(二) 宋裴駟撰……………一

欽定四庫全書

史部
史記集解卷一至五

詳校官侍讀學士臣陸佃焜

洗馬臣王坦修覆勘

總校官檢討臣何思鈞

校對官待詔臣胡士震

謄錄監生臣黃其榮

欽定四庫全書

史部一

史記集解

正史類

提要

臣等謹案史記集解一百三十卷宋裴駙撰

駙字龍駒河東聞喜人官至中郎外兵曹參

軍事迹附見宋書裴松之傳駙以徐廣音義

羸有發明殊恨省畧乃采九經諸史并漢書

音義及衆書之目別撰此書其所引證多先

欽定四庫全書

史記集解
提要

儒舊說張守節正義嘗備述所引書目次然

如國語多引虞翻注孟子多引劉熙注韓詩

多引薛君注而守節未著於目知當日援据

浩博守節不能遍數也原本八十卷隋唐志

著錄並同此本為毛氏汲古閣所刊析為一

百三十卷原第遂不可考然注文猶仍舊本

自明代監本以索隱正義附入其後又妄加

刪削訛舛遂多如五帝本紀音高陽氏有才

子八人句下高辛氏有才子八人句下均脫
名見左傳四字秦始皇本紀輕車重馬東就
食句下脫徐廣曰一無此重字八字項羽本
紀其九月會稽守句下脫徐廣曰爾時未言
太守九字武帝紀祠上帝明堂句下脫徐廣
曰常五年一修耳今適二年故但祀明堂十
八字然其效可觀矣句下脫又數本皆無可
字七字河渠書岸善崩句下脫如淳曰河水

岸六字司馬相如傳傍徨乎海外句下此引

郭璞云青邱山名上有田亦有國出九尾狐

在海外太史公自序易大傳句下此引張晏

曰謂易繫辭監本均誤作正義至於字句異

同前後互見如夏本紀九江入賜大龜句下

孔安國曰出於九江水中監本作山中孝文

本紀昌至渭橋句下引蘇林曰在長安北三

里監本多渭橋二字祁侯賀為將軍句下引

徐廣曰姓繒監本多一賀字當有玉英見句
下引瑞應圖云玉英五帝並修則見監本作
五常案此似以監本為是屬國悍為將屯將
軍句下引徐廣曰姓徐監本多一賀字孝景
本紀封故御史大夫周苛孫平為繩侯句下
引徐廣曰一作應監本多一平字武帝紀自
太主句下引徐廣曰武帝姑也監本多太主
二字龜策列傳蜩辱於鵲句下引郭璞曰蜩

憎其意心惡之也監本作而心惡之凡此之

類當由古注簡質後人以意為增益已失其

舊至坊本流傳脫誤尤甚如夏本紀澧水所

同句下引孔安國曰澧水所同同於渭也坊

本缺一同字項羽本紀乃封項伯為射陽侯

句下脫徐廣曰項伯名鏗字伯九字是又出

監本下矣惟貨殖傳麴鹽鼓千觔句下監

本引孫叔敖云瓠器受斗六升合為瓠音貽

當是孫叔然之訛此本亦復相同是校讐亦

不免有疎然終勝元豐合併之本也乾隆四

十六年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

史記集解
提要

四

史記集解序

班固有言曰司馬遷據左氏國語采世本戰國策述楚漢春秋接其後事訖於天漢其言秦漢詳矣至於采經撫傳分散數家之事甚多疏略或有抵牾亦其所涉獵者廣博貫穿經傳馳騁古今上下數千載間斯已勤矣又其是非頗謬於聖人論大道則先黃老而後六經序游俠則退處士而進姦雄述貨殖則崇勢利而羞貧賤此其所蔽也然自劉向揚雄博極羣書皆稱遷有良史之才服其善序事理辯而不華質而不俚其文直其事核不虛美不隱惡故謂之實錄駟以為固之所言世稱其當雖時有紕繆實勒成一家總其大較信命世之宏才也考按此書文句不同有多有少莫辯其實而世之惑者定彼從此是非相質真偽舛雜故中散大夫東莞徐廣研核衆本為作音義具列異同兼述訓解麗有所發明而殊恨省略聊以愚管增演徐氏采經傳百家并先儒之說豫是有益悉皆抄內刪其游辭取其要實或

欽定四庫全書

史記集解
序一

義在可疑則數家兼列漢書音義稱臣瓚者莫知氏姓
今直云瓚曰又都無姓名者但云漢書音義時見微意
有所裨補譬焉星之繼朝陽飛塵之集華嶽以徐為本
號曰集解未詳則闕弗敢臆說人心不同聞見異辭班
氏所謂疏略抵牾者依違不悉辯也愧非胥臣之多聞
子產之博物妄言末學蕪穢舊史豈足以闢諸蓄德庶
賢無所用心而已

欽定四庫全書

史記集解

欽定四庫全書

史記集解卷一

宋 裴駰 撰

史記

凡與徐氏義稱徐姓名以別之
餘者悉是駰注解并集眾家義

五帝本紀第一

黃帝者

徐廣曰

少典之子姓公孫

燕周曰有熊國君少
典之子也皇甫謐曰

有熊今河南

名曰軒轅生而神靈弱而能言幼而徇齊

徐廣曰子白年論子白則聰明心慮無不徇
通矣駰案徇疾齊速也言聖德幼而疾速也 長而敦

欽定四庫全書

史記集解

敏成而聰明軒轅之時神農氏世衰

皇甫謐曰易稱庖
犧氏沒神農氏作

是為炎帝班固曰教
民耕農故號曰神農

諸侯相侵伐暴虐百姓而神農弗

能征於是軒轅乃習用干戈以征不享諸侯咸來賓從

而蚩尤最為暴莫能伐

應劭曰蚩尤古天子瓚曰孔子
三朝記曰蚩尤庶人之貪者

炎帝欲侵陵諸侯諸侯咸歸軒轅軒轅乃修德振兵治

五氣

王肅曰五
行之氣

藝五種

藝樹也詩云藝之荏菹周禮曰
穀宜五種鄭玄曰五種黍稷菽

也

撫萬民度四方

王肅曰度四
方而安撫之

教熊羆貔貅羆虎以

與炎帝戰於阪泉之野

服虔曰阪泉地名
皇甫謐曰在上谷

三戰然後得

其志蚩尤作亂不用帝命於是黃帝乃徵師諸侯與蚩

尤戰於涿鹿之野服虔曰涿鹿山名在涿郡張晏曰涿鹿在上谷遂禽殺蚩尤

皇覽曰蚩尤冢在東平郡壽張縣開鄉城中高七丈民

常十月祀之有赤氣出如匹絳帛民名為蚩尤旗肩髀

冢在山陽郡鉅野縣重聚大小與鬬冢等傳言黃帝與

蚩尤戰於涿鹿之野黃帝殺之身體異處故別葬之

而諸侯咸尊軒轅為天子代神農氏是為黃帝天下有

不順者黃帝從而征之平者去之披山通道徐廣曰披他本亦作

披語蓋當為設設者旁其邊之謂也未嘗寧居東至于

海登丸山徐廣曰丸一作凡駟案地理志曰丸山在郎邪朱虛縣及岱宗西至于

空桐應劭曰山名章昭曰在隴右登雞頭南至于江登熊湘封禪書曰南伐

至于召陵登熊山地理志北逐章粥句奴傳曰唐虞以

曰湘山在長沙益陽縣北逐章粥上有山戎獫狁章

粥居于合符釜山而邑于涿鹿之阿遷徙往來無常處

北蠻以師兵為營衛官名皆以雲命為雲師應劭曰黃帝受

雲紀事也春官為青雲夏官為緇雲秋官為白雲冬官

為黑雲中官為黃雲張晏曰黃帝有景雲之應因以名

官置左右大監監于萬國萬國和而鬼神山川封禪

與為多焉徐廣曰多一作朋獲寶鼎迎日推策晉灼曰策數也

日月朔望未來而舉風后力牧常先大鴻鄭玄曰風后

班固曰力牧黃帝相也大鴻見封禪書以治民順天地之紀幽明之占死

生之說徐廣曰一云幽明之數合死生之說存亡之難時播百穀王肅曰時是也

草木淳化鳥獸蟲蛾旁羅日月星辰水波徐廣曰一作沃土石

金玉勞勤心力耳目節用水火材物有土德之瑞故號

黃帝黃帝二十五子其得姓者十四人黃帝居軒轅之

丘皇甫謐曰受國於有熊居軒轅之丘故因為名又

以為號山海經曰在窮山之際西射之南張晏曰作

軒冕之服故而娶於西陵之女是為嫫祖徐廣曰祖一作

嫫祖為黃帝正妃生二子其後皆有天下其一曰玄

意娶蜀山氏女曰昌僕生高陽高陽有聖德焉黃帝崩

皇甫謐曰在位百年葬橋山皇甫謐曰黃帝冢

而崩年百一十一歲其孫昌意

之子高陽立是為帝顓頊也

帝顓頊高陽者皇甫謐曰都帝丘今東郡濮陽是也黃帝之孫而昌意之

子也靜淵以有謀疏通而知事養材以任地載時以象

天依鬼神以制義治氣以教化潔誠以祭祀北至于幽

陵南至于交趾西至于流沙地理志曰流沙在張掖居延縣東至于蟠

木海外經曰東海中有山焉名曰度索上有大桃樹屈蟠三千里動靜之物大小之神

日月所照莫不砥屬王肅曰砥平也四帝顓頊生子曰遠皆平而來服屬

窮蟬顓頊崩皇甫謐曰在位七十八年九十八皇覽曰顓頊冢在東郡濮陽頓丘城外廣陽

里中頓丘者城門名頓丘道而玄黿之孫高辛立是為帝嚳

帝嚳高辛者張晏曰少昊之前天下之號象其德顓頊以來天下之號因其名高陽高辛皆所興

之地名顓頊與嚳皆以字為號上古質故黃帝之曾孫也高辛父曰蟠極蟠

極父曰玄黿玄黿父曰黃帝自玄黿與蟠極皆不得在

位至高辛即帝位皇甫謐曰都亳今河南偃師是高辛於顓頊為族子

欽定四庫全書史記集解

高辛生而神靈自言其名普施利物不於其身聰以知

遠明以察微順天之義知民之急仁而威惠而信脩身

而天下服取地之材而節用之撫教萬民而利誨之歷

日月而迎送之明鬼神而敬事之其色郁郁其德巍巍

其動也時其服也士帝嚳既執中而徧天下徐廣曰古既字作水

旁徧字一作尹日月所照風雨所至莫不從服帝嚳娶陳鋒氏

女生放勛娶姬訾氏女生摯帝嚳崩皇甫謐曰在位七十年年百五歲皇

覽曰帝嚳冢在東郡濮陽頓丘城南臺陰野中而摯代立帝摯立不善崩而弟

放勛立是為帝堯帝堯者謐法曰翼善傳聖曰堯放勛徐廣曰號

謐曰堯以甲申歲生甲辰即帝位甲午徵舜甲寅舜代行天子事辛巳崩年百一十八在位九十八年其

仁如天其知如神就之如日望之如雲富而不驕貴而

不舒黃收純衣徐廣曰純一作絳駟案太古冠冕圖云夏名冕曰收禮記曰野夫黃冠鄭玄曰

純衣士之祭服彤車乘白馬能明馴德徐廣曰馴以親九族九

族既睦便章百姓徐廣曰下云便程東作然則訓平為便也駟案尚書並作平字孔安國曰

百姓百官鄭玄曰百姓昭明合和萬國乃命羲和安

國曰重黎之後義氏和氏世掌天地之官敬順昊天數法日月星辰敬授民

欽定四庫全書史記集解

時分命羲仲居郁夷曰暘谷尚書作暘夷孔安國曰東表之地稱暘夷日出於暘

谷義仲治東方之官敬道日出便程東作孔安國曰敬道出日平均次序東作之事以務

農日中星鳥以殷中春孔安國曰日中謂春分之日也

分之昏鳥星畢見以正仲春之氣節轉以推孟季則可知也其民析鳥獸字微孔安

春事既起丁壯就功言其民老壯分析也乳化曰字尚書微作尾字說文云尾交接也申命羲叔

居南交孔安國曰夏與春交此治南方之官也便程南譌敬致孔安國曰譌化也平

序分南方化育之事敬行其教以致其功也日永星火以正中夏孔安國曰永長也謂

夏至之日火蒼龍之中星舉中則七星見可知也以正中夏之節馬融王肅謂日長晝漏六十刻鄭玄曰五十

五其民因鳥獸希革孔安國曰因謂老弱因就在田之

刻少改易也申命和仲居西土徐廣曰一無土字以為西

革改也鄭玄曰西者隴西之曰昧谷徐廣曰一作柳谷駟案孔

西今人謂之兌山安國曰日入于谷而天下

冥故曰昧谷此居治西敬道日入便程西成孔安國曰

方之官掌秋天之政也物成夜中星虛以正中秋相備也虛玄武之中星亦言

也七星皆以秋分日其民夷鳥獸毛毳孔安國曰夷平也

見以正三秋也更也毳理也毛申命和叔居北方曰幽都孔安國曰北

更生曰整理也聚便在伏物日短星昴以正中冬孔安國曰日短冬至

也欽定四庫全書史記集解

星亦以七星並見以正冬節也馬融王肅其民燠鳥獸

謂日短晝漏四十刻鄭玄曰四十五刻其民燠鳥獸

毳毛徐廣曰毳音茸駟案孔安國曰民入歲三百六十

六日以閏月正四時信飭徐廣曰百官衆功皆興堯曰

誰可順此事放齊曰嗣子丹朱開明孔安國曰堯曰吁

頑凶不用孔安國曰吁堯又曰誰可者謹兜曰共工旁

聚布功可用孔安國曰謹兜臣名堯曰共工善言其用

僻似恭漫天不可堯又曰嗟四嶽鄭玄曰四嶽四時湯

能使治者皆曰繇可馬融曰繇堯曰繇負命毀族不可

嶽曰异哉試不可用而已堯於是聽嶽用繇九歲功用

不成堯曰嗟四嶽朕在位七十載汝能庸命踐朕位鄭

曰言汝諸侯之中有能順事用天命者入處我位統治天子之事者乎嶽應曰鄙德忝帝

位堯曰悉舉貴戚及疏遠隱匿者衆皆言於堯曰有矜

在民間曰虞舜孔安國曰堯曰然朕聞之其何如嶽曰

曰盲者子父頑母嚚弟傲能和以孝蒸蒸治不至姦孔

於姦惡曰不至堯曰吾其試哉於是堯妻之二女觀其德於二

女舜飭下二女於媯汭孔安國曰舜所如婦禮堯善之

乃使舜慎和五典鄭玄曰五典五教也五典能從乃徧

入百官百官時序賓於四門四門穆穆諸侯遠方賓客

皆敬馬融曰四門四方之門諸侯羣堯使舜入山林

川澤暴風雷雨舜行不迷堯以為聖召舜曰女謀事至

而言可績三年矣鄭玄曰三年者賓女登帝位舜讓於

德不憚徐廣曰音亦本正月上日馬融曰上舜受

終於文祖文祖者堯太祖也鄭玄曰文祖者五府於是

湯洪水滔天浩浩懷山襄陵孔安國曰懷下民其憂有

帝堯老命舜攝行天子之政以觀天命舜乃在璿璣玉

衡以齊七政鄭玄曰璿璣玉衡渾天儀也七政日月五星也遂類於上帝鄭玄曰禮

祭上帝禮于六宗鄭玄曰六宗星辰司中司命風師雨師也

望於山川辯於羣神徐廣曰辨音班揖五瑞

擇吉日日見四嶽諸牧班瑞馬融曰揖也五瑞公侯伯子男所執以為瑞信也

堯將禪舜使羣牧歲二月東巡狩至于岱宗馬融曰舜之使舜親往班之

受終後五年之二月鄭玄曰建卯望秩於山川遂見東

方君長合時月正日鄭玄曰協正四時之月數及日名備有失誤同律度量

欽定四庫全書史記集解衡鄭玄曰律音律度丈尺量斗斛衡斤兩也脩五禮馬融曰吉凶賓軍嘉也五玉鄭玄曰即

五瑞也執之曰三帛馬融曰三孤所執也鄭玄曰帛所

瑞陳列曰玉以薦玉也必三者高陽氏後用赤

其餘諸侯皆用白繒二生一死為擊馬融曰擊二生羔雁卿大夫所執一

死如五器卒乃復馬融曰五器上五玉五玉禮

月南巡狩八月西巡狩十一月北巡狩皆如初歸至于

祖禰廟用特牛禮五歲一巡狩羣后四朝鄭玄曰巡狩之年諸侯見

於方嶽之下其間四年徧告以言明試以功車服以

庸肇十有二州決川馬融曰禹平水土置九州舜以冀州之北廣大分置并州燕齊遠遠

分燕置幽州分齊為營州於是為十二象以典刑馬融曰言

州也鄭玄曰更為之定界濟水害也

谷錄制五常之刑無犯之流宥五刑馬融曰流放宥寬也一曰幼少二曰

者但有共象無其人也

老老三日憲恩五鞭作官刑馬融曰為辨治官事者為刑扑作教刑

刑鄭玄曰扑槓楚也金作贖刑馬融曰金黃金也意若功惡使出金贖罪坐示戒慎

者昔哉過赦鄭玄曰昔哉為人作患害者也過失雖有害則赦之怙終徐廣曰賊

刑鄭玄曰怙其姦邪終身欽哉欽哉惟刑之靜哉徐廣曰今

文云惟刑之讎哉謹兇進言共工堯曰不可而試之工

師共工果淫辟四嶽舉鯀治鴻水堯以為不可嶽強請

試之試之而無功故百姓不便三苗馬融曰國名也在江淮荆

州數為亂於是舜歸而言於帝請流共工于幽陵馬融曰北

也以變北狄徐廣曰變一作變放謹兇于崇山馬融曰南裔也以變南

蠻遷三苗于三危馬融曰西裔也以變西戎殛鯀于羽山馬融曰殛

誅也羽山東裔也

舜二十年而老令舜攝行天子之政薦之於天堯辟位

凡二十八年而崩徐廣曰堯在位凡九十八年綱案皇

喪父母三年四方莫舉樂以思堯堯知子丹朱之不肖

不足授天下於是乃權授舜授舜則天下得其利而丹

朱病授丹朱則天下病而丹朱得其利堯曰終不以天

下之病而利一人而卒授舜以天下堯崩三年之喪畢

舜讓辟丹朱於南河之南劉熙曰南河九河之最在南者諸侯朝覲者

不之丹朱而之舜獄訟者不之丹朱而之舜謳歌者不

謳歌丹朱而謳歌舜舜曰天也夫而後之中國踐天子

位焉劉熙曰天子之位不可曠年於是遂反格于是為文祖而當帝位帝王所都為中故曰中國

欽定四庫全書

史記集解

帝舜虞舜者謚法曰仁聖名曰重華徐廣曰皇甫謐曰舜以堯之二十一

年甲子生三十一年甲午徵用七重華父曰瞽叟瞽叟

父曰橋牛橋牛父曰句望句望父曰敬康敬康父曰窮

蟬窮蟬父曰帝顓頊顓頊父曰昌意以至舜七世矣自

從窮蟬以至帝舜皆微為庶人舜父瞽叟盲而舜母死

瞽叟更娶妻而生象象傲瞽叟愛後妻子常欲殺舜舜

避逃及有小過則受罪順事父及後母與弟日以篤謹

匪有解舜冀州之人也舜耕歷山鄭玄曰在河東漁雷澤鄭玄曰雷

夏兗州澤陶河濱皇甫謐曰濟陰定陶今屬濟陰陶丘亭是也作什器於壽丘

魯東門之北就時於負夏鄭玄曰負夏衛地舜父瞽叟頑母嚚

弟象傲皆欲殺舜舜順適不失子道兄弟孝慈欲殺不

可得即求常在側舜年二十以孝聞三十而帝堯問可

用者四嶽咸薦虞舜曰可於是堯乃以二女妻舜以觀

其內使九男與處以觀其外舜居媯汭內行彌謹堯二女

不敢以貴驕事舜親戚甚有婦道堯九男皆益篤舜耕

歷山歷山之人皆讓畔漁雷澤雷澤上人皆讓居陶河

欽定四庫全書

史記集解

濱河濱器皆不苦窳史記音義曰音游南反窳謂麻病也一年而所居成

聚二年成邑三年成都堯乃賜舜絺衣與琴為築倉廩

子牛羊瞽叟尚復欲殺之使舜上塗廩瞽叟從下縱火

焚廩舜乃以兩笠自扞而下去得不死後瞽叟又使舜

穿井舜穿井為匿空旁出舜既入深瞽叟與象共下土

實井舜從匿空出去劉熙曰舜以機謀自免亦大聖有神人之助也瞽叟象喜

以舜為已死象曰本謀者象象與其父母分於是曰舜

妻堯二女與琴象取之牛羊倉廩予父母象乃止舜宮

居鼓其琴舜往見之象鄂不懌曰我思舜正鬱陶舜曰

然爾其庶矣舜復事瞽叟愛弟彌謹於是堯乃試舜五

典百官皆治昔高陽氏有才子八人名見左傳世得其利謂

之八愷賈逵曰愷和也高辛氏有才子八人名見左傳世謂之八元

賈逵曰元善也此十六族者世濟其美不隕其名至於堯堯未

能舉舜舉八愷使主后土王肅曰君治九土之宜杜預曰后土地也以揆百

事莫不時序舉八元使布五教於四方父義母慈兄友

弟恭子孝內平外成昔帝鴻氏有不才子賈逵曰帝鴻黃帝也不才

欽定四庫全書

史記集解

子其苗裔謹兜也掩義隱賊好行凶慝天下謂之渾沌少皞氏

服虔曰金天氏帝號有不才子毀信惡忠崇飾惡言天下謂之窮

奇服虔曰謂共工氏也其行窮而好奇顓頊氏有不才子不可教訓不知

話言天下謂之檮杌賈逵曰檮杌頑凶無時匹之貌謂鯀也此三族世憂

之至于堯堯未能去緡雲氏賈逵曰緡雲氏姜姓也炎帝之苗裔當黃帝時在緡

雲之官也有不才子貪於飲食冒於貨賄天下謂之饕餮天

下惡之比之三凶杜預曰非常子孫故舜賓于四門乃

流四凶族遷于四裔賈逵曰四裔之地去王城四千里以御魑魅服虔曰魑

魑人面獸身四足好感人山林異氣所生以為人害於是四門辟言母凶人也舜

入于大麓烈風雷雨不迷堯乃知舜之足授天下堯老

使舜攝行天子政巡狩舜得舉用事二十年而堯使攝

政攝政八年而堯崩三年喪畢讓丹朱天下歸舜而禹

皋陶契后稷伯夷夔龍垂益彭祖自堯時而皆舉用未

有分職於是舜乃至於文祖謀于四嶽辟四門明通四

方耳目命十二牧論帝德行厚德遠佞人則蠻夷率服

舜謂四嶽曰有能奮庸馬融曰奮明庸功也美堯之事者使居官

欽定四庫全書

史記集解

相事皆曰伯禹為司空可美帝功舜曰嗟然禹汝平水

土維是勉哉禹拜稽首讓於稷契與皋陶舜曰然往矣

鄭玄曰然其舉得其人汝往居此官不聽其所讓也舜曰棄黎民始飢徐廣曰今文尚書作

祖飢祖始也汝后稷播時百穀鄭玄曰時讀曰蒔舜曰契百姓不親

五品不馴鄭玄曰五品父母兄弟子也王肅曰五品五常也汝為司徒而敬敷

五教在寬馬融曰五品之教舜曰皋陶蠻夷猾夏鄭玄曰猾夏侵亂中國也

寇賊姦軌鄭玄曰由內為軌汝作士馬融曰獄官之長五刑有服

五服三就馬融曰五刑墨劓剕宮大辟三就謂大罪陳諸原野次罪於市朝同族適而師氏既服五

刑當就五流有度五度三居維明能信馬融曰謂在八議君不忍刑宥

之以遠五等之差亦有三等之居大罪投四裔次舜曰

誰能馴予工馬融曰謂主百工之官也皆曰垂可於是以垂為共工

馬融曰為司空舜曰誰能馴予上下馬融曰上謂草木

鳥獸皆曰益可於是以益為朕虞馬融曰虞掌山澤之官名益拜稽

首讓于諸臣朱虎熊羆舜曰往矣汝諧遂以朱虎熊羆

為佐舜曰嗟四嶽有能典朕三禮馬融曰三禮天神地祇人鬼之禮也鄭玄

曰天事地事皆曰伯夷可舜曰嗟伯夷以汝為秩宗鄭玄

欽定四庫全書史記集解

曰主次夙夜維敬直哉維靜潔伯夷讓夔龍舜曰然以

夔為典樂教稼穡子鄭玄曰國子也案尚書作胄直而溫

而色溫馬融曰正直寬而栗馬融曰寬大而剛而毋虐簡而毋

傲詩言意謂長言馬融曰謂所以長言詩之意也聲依詠律和聲鄭玄

之曲折又依長言八音能諧母相奪倫神人以和鄭玄

聲中律乃為和也考來格厚后德夔曰於予擊石拊石百獸率舞鄭玄曰

不氏所養者也舜曰龍朕畏忌讒說殄偽振驚朕眾徐

色取仁而行遠是驚動我之眾臣使之疑惑命汝為納

言夙夜出入朕命惟信舜曰嗟女二十有二人馬融曰

陶皆居官久有成功但述而美之無所復勅禹及垂已

下皆初命凡六人與上十二牧四嶽凡二十二人鄭玄

時所勅命也敬哉惟時相天事三歲一考功三考紂

防遠近眾功咸興分北三苗鄭玄曰所竄三苗為西裔

之此二十二人咸成厥功舉陶為大理平民各伏得其

實伯夷主禮上下咸讓垂主工師百工致功益主虞山

澤辟棄主稷百穀時茂契主司徒百姓親和龍主賓客

遠人至十二牧行而九州莫敢辟違唯禹之功為大披

欽定四庫全書史記集解

九山通九澤決九河定九州各以其職來貢不失厥宜

方五千里至于荒服南撫交趾北發西戎析枝渠廋氏

羌北山戎發息慎鄭玄曰息慎或謂之肅慎東北夷東長鳥夷四海之

內咸戴帝舜之功於是禹乃興九招之樂致異物鳳皇

來翔天下明德皆自虞帝始舜年二十以孝聞年三十

堯舉之年五十攝行天子事年五十八堯崩年六十一

代堯踐帝位皇甫謐曰舜所都或言蒲坂或言平陽或言潘潘今上谷也踐帝位三十九年南巡狩崩於蒼梧之野葬於江南九疑是為零

陵皇覽曰舜冢在零陵營浦縣其山九谿皆相似故曰九疑傳曰舜葬蒼梧象為之耕禮記曰舜葬蒼梧二

妃不從山海經曰蒼梧山帝舜葬于陽丹舜之踐帝位

載天子旗往朝父瞽叟夔夔唯謹徐廣曰如子道封弟

象為諸侯孟子曰封之有庫音鼻舜子商均亦不肖皇甫謚曰桀

均生商舜乃豫薦禹於天十七年而崩三年喪畢禹亦乃

讓舜子如舜讓堯子諸侯歸之然後禹踐天子位堯子

丹朱舜子商均皆有疆土燕周曰以唐封堯之子以虞封舜之子以奉先

祀服其服禮樂如之以客見天子天子弗臣示不敢專

欽定四庫全書

史記集解

也自黃帝至舜禹皆同姓而異其國號以章明德徐廣曰外

傳曰黃帝二十五子其得姓者十四人虞翻云以德為

氏姓又虞說以凡有二十五人其二人同姓姬又十一

人為十一姓酉祁已膝歲任苒釐姑故黃帝為有熊帝

嫫衣是也餘十二姓德薄不紀錄章昭曰陶唐皆

顓頊為高陽帝嚳為高辛帝堯為陶唐國名猶湯稱殷

商矣歌晏曰堯為唐侯虞因以為氏今河

東大陽西山帝禹為夏后而別氏姓姒氏契為商姓子

氏棄為周姓姬氏鄭玄曰駁許慎五經異義曰春秋左

氏諸侯以字為氏因以為族官有世功則有官族邑亦

如之公命以字為展氏以此言之天子賜姓命氏諸侯

命族族者氏之別名也姓者所以統繫百世使不別也

氏者所以別子孫之所出故世本太史公曰學者多稱

之篇言姓則在上言氏則在下也五帝尚矣然尚書獨載堯以來而百家言黃帝其文不

雅馴薦紳先生難言之徐廣曰薦紳即指紳也古字假借孔子所傳宰

子問五帝德及帝繫姓儒者或不傳余嘗西至空峒北

過涿鹿東漸於海南浮江淮矣至長老皆各往往稱黃

帝堯舜之處風教固殊焉總之不離古文者近是予觀

春秋國語其發明五帝德帝繫姓章矣顧弟弗深考徐廣

曰弟但也史記漢書見此者非一又左思蜀都賦曰弟

如漢池而不詳者多以為字誤學者安可不博觀乎

其所表見皆不虛書缺有間矣其軼乃時時見於他說

非好學深思心知其意固難為淺見寡聞道也余并論

次擇其言尤雅者故著為本紀書首

史記集解卷一

欽定四庫全書

史記集解卷二

宋 裴駟 撰

史記二

夏本紀第二

夏禹諡法曰受禪成功曰禹名曰文命禹之父曰鯀鯀之父曰帝

顓頊顓頊之父曰昌意昌意之父曰黃帝禹者黃帝之

玄孫而帝顓頊之孫也禹之曾大父昌意及父鯀皆不

欽定四庫全書

史記集解
卷二

得在帝位為人臣當帝堯之時鴻水滔天浩浩懷山襄

陵下民其憂堯求能治水者羣臣四嶽皆曰鯀可堯曰

鯀為人負命毀族不可四嶽曰等之未有賢於鯀者願

帝試之於是堯聽四嶽用鯀治水九年而水不息功用

不成於是帝堯乃求人更得舜舜登用攝行天子之政

巡狩行視鯀之治水無狀乃殛鯀於羽山以死天下皆

以舜之誅為是於是舜舉鯀子禹而使續鯀之業堯崩

帝舜問四嶽曰有能成美堯之事者使居官皆曰伯禹

為司空可成美堯之功舜曰嗟然命禹女平水土維是

勉之禹拜稽首讓於契后稷皋陶舜曰女其往視爾事

矣禹為人敏給克勤其德不違其仁可親其言可信聲

為律身為度王肅曰以身為法度稱以出一作士壘壘穆穆為綱

為紀禹乃遂與益后稷奉帝命命諸侯百姓興人徒以

傳土尚書傳作敷馬融曰數分也行山表木定高山大川馬融曰定其差秩祀

禮所視也駟案尚書大傳曰高山大川五嶽四瀆之屬禹傷先人父鯀功之不成

受誅乃勞身焦思居外十三年過家門不敢入薄衣食

欽定四庫全書

史記集解
卷二

致孝于鬼神馬融曰祭祀豐潔卑宮室致費於溝洫包氏曰方里為井井

間有溝洫廣深四尺十里為成陸行乘車水行乘船泥行

乘橈徐廣曰他書或作菴案孟康曰橈形如箕適行泥上如浮曰橈音茅菴之說謂以板置其泥上以

通行路也山行乘橈徐廣曰橈一作橈音丘遙反駟案如浮

下以上山不蹉跌左準繩右規矩王肅曰左右載四時

王肅曰所以行不以開九州通九道陂九澤度九山今

益子眾庶稻可種卑溼命后稷予眾庶難得之食食少

調有餘相給以均諸侯禹乃行相地宜所有以貢及山